

為滇人修路。必不免於借外款。以路抵押。今欲救滇。必先保路。欲保路。則必爭回商辦。並先組織一鐵道協會總會於省城。各屬組織分會。並督促公司與政府交涉。一面就所在地方招募路股云云。

美國實業團來華記

美國實業團。於八月十二日到滬。是日上海商務總會。及各商董。假虹口趙氏辰虹園。開歡迎會。

十三日閱看阜豐麵粉廠。晚赴中國青年會茶會。

十四日考察中國自來水公司。江南船塢。日輝織呢廠。龍章造紙廠。下午江海關道請在洋務局茶會。晚由

商務總會假味蕪園開歡迎宴。

十五日尙賢堂開歡迎茶會。

十六日考察又新紗廠。瑞綸絲廠。由絲業假徐園開歡迎茶會。午刻乘船往杭州。

十七日舟至嘉興。改乘頭等花車至杭。即至西湖遊覽。晚

由浙撫增中丞宴之於交涉使署。

十八日參觀通益公紗廠。復入城至商務總會。參觀陳列

品。午刻由杭州商務總會宴之於駕濤園。復至江干觀

潮。是晚乘火車回上海。由蘇浙兩路公司宴之於車中。

十九日在上海考察商務印書館。午後在徐家匯高等實

業學堂觀運動會。復由振市公司請在新舞臺觀劇。

二十日乘滬甯鐵路專車往南京。行經蘇州。經官商在留

園開茶會歡迎。又經無錫常州二處官紳商界等。均在

車站迎接。晚到南京。

二十一日考察南洋勸業會。午刻由勸業會事務所。及各

省出品協會。在公議廳設讌歡迎。晚由正會長江督請

晚讌。

二十二日遊明陵。午刻諮議局請午讌。是晚勸業會請晚

讌。

二十三日考察各機坊。由南京商務總會及協贊聯合會

請午讌。下午參觀兩江師範學堂。及海軍學堂。晚由學

界借勸業會公宴。

記載第三 中國時事彙錄

二十四日復乘車往鎮江。午刻到鎮。官商設讌歡迎。次導觀永利大綸兩絲廠。隨至金山遊覽。晚乘招商局江新輪船上駛。

當實業團至商務印書館參觀時。由館中經理請前美國欽使伍廷芳侍郎為代表歡迎。伍君并述該館創業時情形。及近來營業之發達。略言本日鄙人到此。承商務印書館總理及衆股東。囑向諸公陳述歡迎之意。此館之設。十有三載於茲矣。其初創也。小店而已。不數年間。印務發達。遂有今日。全館機關。計分三所。有所謂發行所者。則專司發行者也。有所謂印刷所者。則印刷之業。無一不備者也。有所謂編譯所者。則著作之林也。上下人等。一千餘人。此外尚有分館十九處。北而吉林京津。南而閩廣。遍中國。幾無一處無該館之書籍。統計該館出版之書。不下千餘種。有英漢合璧者。有漢英單行者。其中以教科書居其多數。書業關夫國運之盛衰。兼可以驗國民之進化。該館之發達如此。又奚止利市三倍已耶。此固鄙人之所敢決者也。

二百六十八

九月

然必欲知該館每年得利若干。恐問焉亦必不我告。(說至此衆皆鼓掌稱快)聞其每年商業。達二百餘萬元。不自今日始也。日後將又不止此數。諸公此次來華。舍該館而外。欲求有可與該館並駕齊驅者。遍國中不可得也。謂余不信。該總理等將導公等遍遊廠之各部分。諸公固不但聞所聞。且可見所見也。(演說畢衆復鼓掌不已)次由來賓答詞。略謂僕承同人之命。代致祝詞。同人殆因鄙人忝與貴館同業故也。僕自少而長。營業於印刷編輯者有年矣。此次來華。見有所謂石橋者。有所謂城之譙樓者。巍乎大觀哉。然究皆不及貴館。貴館者固貴國一莫大之豐碑也。僕等新自西湖歸來。一路之風光。人士之歡迎。歷在目。請帖也。榮單也。屈指不可勝計。無不有商務印書館字樣。與今日之懸諸壁間者無異。今日復躬履其地。何快如之。僕舉首四顧。見有皮條轆轤者。印機轉也。有聲丁然與耳謀者。知其鑄鉛也。有香馥然與鼻謀者。知其為排印之墨也。僕在此幾忘身之為客矣。何也。與僕在家時耳。

之所聞。目之所見。鼻之所嗅者。匪有異也。僕等來華。所以求增見聞。而得師資耳。邦交之篤。由商業之聯絡。而印刷業者。則固邦交民情商業之所恃。以呈身於世界者也。願可少哉。頃承主人贈我以次序單。中夾一歌。有云寵賜顏色景仰深。相將步後塵。云云。斯言也。何其先獲我心也。僕等幸瞻丰采。無限景仰。誠有非言語所得形容者。惟第二句則僕擬改爲並駕齊驅。蓋中美兩國人民交誼之敦摯。前者如此。後者可知。請舉一觴。爲商務印書館之前途祝禮畢。款以茶點。乃分參觀順序單。由各招待員指導參觀。并分贈自印畫景明信片等件。計參觀順序分二十部。一五彩石印。二繪圖。三釘書。四機器製造所。五科學儀器製造所。六鑄字房。七紙板房。八電氣銅鉛板。九墨色石印。十活板印。十一雕刻部。十二彩色鉛印。十三英字房。十四華英校對房。十五華字房。十六編譯所。十七圖書館。十八尙工小學堂。十九幼稚園。二十照相房。觀畢。復至花園攝影。時印書館所辦之尙工小學生。及幼稚園小學生。由各教

員率領在花園唱歡迎歌。幼稚生復演習工課。口唱手指。均極整齊。各來賓均贊不絕口。蓋該學生多不過四五歲也。並索另攝一幼稚學生影片。乃由照相部另攝一片以贈之。出花園時。復與各小學生握手。以示親愛而別。